

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

MIŠLJENJA
po Zahtjevu Agencija za finansijske informatičke i posredničke usluge d.d. Sarajevo (AFIP)
o usklađenosti pravnih akata

Sarajevo,
juni 2013. godine



Broj: 01-26-7-06-5-I/13
Sarajevo, 11.06.2013. godine

Na osnovu člana 25. stav (2) tačka f) Zakona o konkurenciji („Službeni glasnik BiH“, br. 48/05, 76/07 i 80/09), a po Zahtjevu za davanje mišljenja dostavljeno od Agencija za finansijske informatičke i posredničke usluge d.d. Sarajevo (AFIP), Ložionička 3, 71000 Sarajevo, Konkurencijsko vijeće, na 62. (šezdesetdrugoj) sjednici održanoj dana 11.06.2013. godine, je donijelo

MIŠLJENJE

Konkurencijsko vijeće je zaprimilo od Agencije za finansijske informatičke i posredničke usluge d.d. Sarajevo (u daljem tekstu: AFIP ili Podnosilac zahtjeva), Zahtjev za davanje mišljenjem (u daljem tekstu: Zahtjev), pod brojem: 01-26-7-06-I/13 dana 10.04.2013. godine.

U Zahtjevu se traži mišljenje o usklađenosti Pravila o ustupanju podataka pravnim i fizičkim licima i načinu njihovog korištenja (u daljem tekstu: Pravilnik) i Nacrta ugovora s Agencijom TEC (u daljem tekstu: Nacrt ugovora), Idrizova 5, 71000 Sarajevo, s odredbama Zakona o konkurenciji.

Podnosilac zahtjeva je dostavio Konkurencijskom vijeću i urgenciju za donošenje mišljenja, pod brojem: 01-26-7-06-3-I/13 dana 10.05.2013. godine.

Obzirom da Podnosilac zahtjeva ne traži mišljenje o nekom aspektu konkurencije, u smislu člana 25. stav (1) tačka f) Zakona o konkurenciji, već traži da Konkurencijsko vijeće odluči o usklađenosti konkretnih i postojećih akata sa odredbama Zakona o konkurenciji, Konkurencijsko vijeće je ocijenilo da se to ne može utvrditi bez provođenja postupka i detaljne analize istih.

Nadalje, uvidom u spise predmeta koji se vode pred Konkurencijskim vijećem utvrđeno da je zaprimilo Zahtjev za pokretanje postupka privrednog subjekta LRC Inženjering d.o.o. Sarajevo, protiv AFIP-a (pod brojem: 02-26-2-05-II/13 dana 03.04.2013. godine) radi utvrđivanja zloupotrebe dominantnog položaja, iz člana 10. stav (2) tačke c) i d) Zakona o konkurenciji, a koji se odnosi, između ostalog, i na navedene pravne akte za koje Podnosilac zahtjeva traži mišljenje.

Na osnovu dostavljenog Zahtjeva za pokretanje postupka Konkurencijsko vijeće je, u skladu sa čl. 27. i 32. Zakona o konkurenciji, donijelo Zaključak o pokretanju postupka, broj: 02-26-2-05-6-II/13 dana 16.05.2013. godine, koji Vam je u skladu s članom 33. Zakona o konkurenciji dostavljen na odgovor, aktom broj: 02-26-2-05-10-II/13 dana 20.05.2013. godine.

Kao što je navedeno, Konkurencijsko vijeće ne može bez provedenog postupka utvrditi da li su dostavljeni pravni akti usklađeni s odredbama Zakonom o konkurenciji, a budući da je po istom osnovu već pokrenut postupak pred Konkurencijskim vijećem i da je AFIP kao stranka u

postupku uključen u isti, Konkurencijsko vijeće će u okviru postojećeg postupka donijeti i odluku o usklađenosti dostavljenih pravnih akata s odredbama Zakonom o konkurenciji.

U skladu s rokovima iz člana 41. Zakona o konkurenciji, Konkurencijsko vijeće će donijeti konačnu odluku.

Predsjednica

Gordana Živković